


**Ki Sawa Bad  
Ki Dur Kyntien  
Jong  
Ka Ktien Khasi**



**Da  
Ka Badaplin War**

**2009**

***Ki Sawa Bad***  
***Ki Dur Kyntien***  
***Jong***  
***Ka Ktien Khasi***

***Da***  
***Ka Badaplin War***

***2009***

Ka sien shon kaba nyngkong - 2001

1000 Copies

Ka sien shon kaba ar - 2004

2000 Copies

Ka sien shon kaba lai, ba la pynbha bad pynheh - 2009  
(Third reprint revised and enlarged)

2000 copies

Īa ka hok longtraï la tyngkai  
(All rights reserved)

Published by Ri-ia-dor at *Rilum Offset Printing House*,  
Umsohsun, Shillong, Meghalaya.

## KA SIEN SHON KABA LAI

Ha ka sien shon kaba lai jong kane ka kot la pynrung thymmai kawei ka lynnong kaba long halor ki dak-thoh bad ka rukom spel dak da kaba pyrkhath ba kane kan ai jingmut kumno ban pynbeit ryntih ĩa ka thoh ka pule ha ka ktien Khasi, ki jingeh kiba dang sah katto katne ha ka.

La pynheh bad pynbha ruh ĩa ki lynnong ba la pynrung ha ki sien shon ba la dep da kaba pynbeit pynryntih ĩa ki senten. Shuh shuh la pyrshang ban tyrwa da ki kyntien Khasi bad la spel Khasi ruh ĩa ki katto katne ki symboh pyrkhath bad ki kyrteng-batai (terms) ha kane ka kot. Hynrei da kaba angnud ban pyllait na kano kano ka jingsngewthuh bakla, la ai de ryngkat bad ki ĩa ki kyntien English. Lehse ynda la thew la woh, la pynbiang pyrļa bad ynda la lah ban pynbat pynsnoh bha ĩa ki, yn sa lah ban pynrung noh tang da ki kyntien Khasi ha ki sien shon kiba hadien. ĩa mynta hi, la bteng ban pynrung da ki kyntien English na ka bynta ki katto katne tylli ki kyntien kum **phoneme**, **morpheme**, **deictic**, **clitic**, **verb**, **noun** bad kumta ter ter.

Ñiuma la pyrshang katba lah ban ai ka jingbatai kaba kham suk ha ka ktien Khasi na ka bynta jong ki. La batai ĩa u **phoneme** kum u phngit sawa, ĩa u **morpheme** da ka snap kyntien, ĩa ka **compounding** da ka syndait kyntien bad ki **compound** da ki kyntien syndait, ĩa ka **reduplication** da ka synrap kyntien bad ki **reduplicated words** da ki kyntien synrap.

La phiah ĩa kane ka kot ha ki lai tylli ki bynta – ka bynta ba nyngkong ka kynthup lai tylli ki lynnong kiba tai kyllum halor katto katne ki mat jong ka ktien Khasi, ka bynta kaba

ar ka kynthup san tylli ki lynnong kiba tai bniah halor ki sawa (phonetics and phonology), ka bynta kaba lai ka don hynñiew tylli ki lynnong kiba batai shaphang ki kyntien (morphology).

La pynbit pynbiang ïa kane ka kot na ka bynta ki samla pule B.A. kiba pyndonkam ïa ka **syllabus** thymmai (revised syllabus 2009) hynrei ki samla pule kiba dang hab hapoh ka **syllabus** kaba rim kin ïaid lait noh ïa ki Lynnong III, IV, V, VI, VII bad VIII.

Nga kyrmen ba kane ka kot kan ïai bteng ban shakri na ka bynta ka jingdonkam ban tai ban pharia ïa ki katto katne ki snap ki skor, ki thup ki syrtap jong ka ktien Khasi.

Dated Shillong

Badaplin War

August 31, 2009.

(iv)

## KA SIEN SHON KABA AR

**Dr. Badaplin War**

M.A. (English) NEHU, M.A. (Linguistics) University of Delhi,

Mphil (Linguistic) University of Delhi

PhD (Linguistics) University of London, UK.

Professor and Head, Department of Khasi, NEHU.

Ha kaba nyingkong eh, nga pynpaw ïa ka jingsngewnguh jong nga ïa ki nongpule baroh kiba la pule ïa kane ka kot. Ka jinglut kloijong kane ka kot lehse ka pyni ïa ka jingñiewkor jong ki ïa la ka ktien namar ba ka jingtip kaba bniah halor ka ktien ka long kaba donkam na ka bynta kano kano ka kynhun jaitbynriew. Kumba la ju ïa kren ha kiba bun ki khep, kawei na ki lad kiba khlaif eh ha ka ban pynneh pynsah ïa ka jinglong kyrpang jong ka jaitbynriew ka long lyngba ka jingñiewkor ïa la ka ktien (maintenance of culture through language). Nga sngew tynnat shibun eh ba la don ruh ki 'riew-wad jingtip (research scholars) kiba la sdang ïa ki jingtrei (research) jong ki halor ki katto katne ki phang ba la plaid ha kane ka kot. Kata hi ka long kawei na ki jingthmu ha kaba la thoh bad pynmih ïa ka, ban ktik ïa kiwei pat ban suh-khlieh kham jylliew sha ki par-hira jong ka Ktien Khasi.

Ha kane ka sien-shon, la ïaleh ban pynbeit ïa ki katto katne ki jingbakla kiba don ha ka sien-shon kaba nyingkong hynrei ym shym la pynrung eiei kaba thymmai. Lada U Blei U ibit, nga dang pynkhreh bad nga kyrmen ba ngan lah ban pynmih ïa ki kot ki ban tai ïa kiwei de ki bynta jong ka Ktien Khasi.

Nga pynpaw ruh ïa ka jingsngewnguh jong nga ïa i Walter Thabah, M.Phil Scholar jong ka Khasi Department NEHU iba la ai jingmut ban khot 'syndait kyntien' na ka bynta ka kyntien **compounding** bad 'synrap kyntien' na ka bynta ka kyntien **reduplication** ha kane ka sienshon kaba ar.

U Blei Un kyrkhu ïa phi ki nongpule baroh.

Dated Shillong

(B. War)

The 27<sup>th</sup> September, 2003

(v)

## KI SKER

	<b>Page</b>
Ka Lamkhmat	iii - vii
<b>BYNTA – I</b> <u>Kyllum Halor Ka Jingpule ĩa Ka Ktien Khasi</u>	
<i>Lynnong I</i> - Halor Ka Jingpule ĩa Ka Ktien	1
<i>Lynnong II</i> - Ka Jaka jong Ka Ktien Khasi	6
<i>Lynnong III</i> - Ki Dak-thoh Ha Ka Ktien Khasi	18
<b>BYNTA – II</b> <u>Halor Ka Phonetics Bad Ka Phonology</u>	
<i>Lynnong IV</i> - Ka Jingpule ĩa Ka <b>Phonetics</b>	31
<i>Lynnong V</i> - Ka jingpule ĩa Ka <b>Phonology</b>	45
<i>Lynnong VI</i> - Ki Sawa Konsonan Ha Ka Ktien Khasi	50
<i>Lynnong VII</i> - Ki Sawa Bowel Ha Ka Ktien Khasi	63
<i>Lynnong VIII</i> - Ki Dak <b>Phonetic</b> Bad Ka <b>Assimilation</b>	
Ha Ka Ktien Khasi	70
<b>BYNTA – III</b> <u>Halor Ka Morphology Bad Ki Lad Shna Dur Kyntien</u>	
<i>Lynnong IX</i> - Ka <b>Morphology</b> Bad Ki Snap Kyntien <b>Affix</b>	74
<i>Lynnong X</i> - Ki Snap Kyntien <b>Clitic</b>	95
<i>Lynnong XI</i> - Ki Kyntien Syndait (Compounds)	99
<i>Lynnong XII</i> - Ki Kyntien Synrap (Reduplicated words)	110
<i>Lynnong XIII</i> - Ki Kyntien Shim Kylliang (Loan words)	116
<i>Lynnong XIV</i> - Ki Kyntien Ba La Saiñ Thymmai	
(Coined words)	133
<i>Lynnong XV</i> - Ki 'Tien-Kynnoh.	135
<b>Ka Par Jingtip</b>	140

## KI KYNTIEN BA LA SAIÑ THYMMAI (COINED WORDS)

Ka ktien kaba long ka ktien nongmei nongpa (mother tongue) kam lah ban sahkut hajuh hynrei ka hap ban san ban roi kat kum ki jingdawa jong ka por. Ki don bun ki daw balei ka ktien ka hap ban kylla, ban san ban roi, ban pyniar ia ka thup kyntien jong ka. Ki jingshem jinglap thymmai na ka liang ka saian bad ka tekhnoloji, ka jingiakynduh kam bad kiwei pat ki jait ktien, ka jingkih jingsaid jong ki briew ban beh ia ka jingnang jingstad bad ka rukom im thymmai ki pynlong ia ki nongkren ban wad ki lad ki lynti kumno ban pynbiang ia ki kyntien kiba donkam ha ka ktien.

Ki nongkren bunsien ki shim ar tylli ki lad ban ioh ki kyntien ki ban biang na ka bynta kiba kum kita ki jingdonkam. Kawei na kita ka long da kaba shim-kylliang na kiwei pat ki jait ktien bad kawei pat ka long da kaba saian ia ki kyntien thymmai. Ha ka lynnong ba la dep ngi la iohi haduh katno ka shim kylliang kyntien ka la pynroi ia ka ktien Khasi.

Hynrei ki don ki khep ha kaba ki nongkren ki saian da ki kyntien thymmai na ka ktien la jong. Kane ka lad pynroi ia ka ktien ka long kaba ka ktien Hindi ka la jop shibun. Ha kane ka jait ktien, ki nongkren ki kham sngew tynnat ban saian thymmai ia ki kyntien ban ia kaba shim kylliang. Ki nuksa halor kane ki long – 'doordarshan' na ka bynta ka 'television', 'akashvani' na ka bynta 'radio' bad bun kiwei de. Lehse ha ka ktien Khasi, dang donkam ban leh kham bha ia kane namar ka long shisha ka lad ban pynriewspah ia la ka ktien.

### Ka saian kyntien thymmai ha ka ktien Khasi:

Don ki kyntien ba la saian thymmai kiba la rung la kham slem ha ka ktien. Katto katne na ki nuksa ba la ai harum ki long kiba dang

rung dang kham shen hynrei kiba ki nongkren bad ki lad pathai khubor ki la nang pyniar ha ka ban pyntri kam ia ki:

Shongknor

Kongsan

Rangbah Balang

Namding (Missile)

Sengbhalang

Longiing

Imlang sahlang

Kitei ki kyntien haneng ki long kiba lah ban pyndonkam ha ki khep ba pher ba u nongkren u kwah ban pyndonkam ia ki. Ka lah ban long ba u pyndonkam ia ki ha ki jingialang paitbah, ha ki jingiakren bad kiba ithuh ithaw bad kumta ter-ter. Shuh shuh ruh ka jingpule ia ka ktien ka dei ban kynthup ia ka ktien kren kaba ia kren kai da ki nongkren jong ka. Kine harum ki long khyndiat tylli ki nuksa:

'U khum' - kaba mut 'u pulit'.

'Ka khor' - kaba mut 'ka kyiad'.

Ka saian kyntien thymmai ka long ka bym ju kham jia khah-khah. Ka kham duna shibun eh haba ia nujor bad ka shim kylliang kyntien. Lehse, ka kham suk ia ki nongkren ban shu shim kylliang na kiwei ki jait ktien haba donkam kyntien thymmai. Ka daw ka lah ruh ban long namar ym kum ki kyntien shim kylliang, ki kyntien ba la saian thymmai ki hap ban iohlad ban pynsngew paitbah shuwa ban pdiang ia ki da baroh ki nongkren. Ki kyntien shim kylliang ki long kiba lah ban iohsngew lang kham kloï da uba bun uba lang.

Ki lad pathai khubor, la ki long ha kaba thoh kum ki kotkhubor ne da ki kor ki bor (electronic media), ki long ki atiar ba khlaian ha ka ban saian ia ki kyntien thymmai ha kine ki por mynta. Kine ki kham lah ruh ban pynsaphriang ia ki kyntien thymmai bad lehse ki kham don bor ban pynrung kham kloï ia kitei ki jait kyntien ha ki nongkren jong ka ktien Khasi.